

春明稿序

徐氏海隅集七十七卷業列置家塾
矣而茲稿以春明名者何春明者唐
之國門也唐人詩嘗以出國門者等
之天涯則視門以內固不勝其津津
而豔羨之矣仕則慕君不已甚乎非
也夫易稱利見書敘媚茲利與媚猶
豔羨之云也藉令古之聖人遭時行
道薄日月而附風雲曷嘗不愉快而

自得乎故曰樂則行之言春明著其
近於君也而往余之出春明也自祠
部郎徙郡去而其再入也則以御史
大夫 召貳司寇至蓋後先相距者
閱二十餘年而其間諸所奄歷非逋
播之與隣則憂患之為處也次且退
遂疑無復之矣乃一旦時至事會卒
戴白首以覲 天顏豈非蒙莊氏所
謂不知其所以然而然者與比於秩

宗荐正猥奉寅清治人事神將明茲
祀檢括故牘則往時惜緯之意猶勃
勃動也雖然牘則故也而庭之木長
矣殷念居諸寧無槩然於人代滄桑
之變乎夫是以春明名吾稿也稿自
再入春明之歲始以志遇也亦以志
感也歲凡四週而所歲削草董董如
干首匪直政靡畧縮無隙求多而猝
迫應酬抽思漸棘夫亦昔人才退之

春日稿
驗乎而知余之不能自解於既老矣
姑存之為海隅之續云

萬曆癸未夏至日歸有園居士徐學
謨叔明父書



春明稿目錄

一卷

詩編

鄭城秋夜夢謁 帝座寤而有述

應 召右司寇鄖江志別

九月望夜均州望岳樓與內鄉李

封君酌別

移駐襄州候代久之署夜書懷

雪夜次真州會陳玉叔大叅以督

餉至招飲禪室書此投贈

恭展先墓焚

黃志感

時大慶兩宮

始蒙三代
馳典三

過婁塘訪陳進士上之留宿舊館

小樓志感時余將北上

北上別歸有園作

過滁陽張同卿招飲豐樂亭暮別

遇兩作

謁費公祠

祀閔子騫

右司寇面恩恭述

送徐殿讀冊封楚藩便道奉母

還吳

送帥同父給事冊封榮藩便道

還江陵君擢第十年始歸鄉里

秋日送鄭貢士辭試還江陵

送沈少宰之任南大司空

宋布衣應元遊楚三十年至是聞

歸新河寄訊一首

夏至日齋宿集大司寇嚴公少司

寇陳公

北郊候駕

恭紀 賜鮮二首

送少司空陸公還平湖效長慶體

寄未

雨中訪莫是龍文學於圓寧寺不

遇賦此寄贈

翟德夫同年相別廿載餘矣茲來
重晤傷其濩落賦贈短章

齋兩集翟莫二子賦十韻

寄壽周僕丞六十效長慶體

送鄉友落第還家

送李湖州 覲畢還任公前以御

史按楚余與之別於衡州

哭陳上之二首

南郊耕藉侍 宴恭述

恭送 聖駕祀陵

迎 駕自西山還宮

初夏陪大司寇嚴公少司寇陳公
遊歸義寺漫興

宋布衣至京時在武當相別十二
年矣酌酒感舊

雨中餉宋布衣瓜菜

戲題寄遠

雨中撥悶簡宋布衣

戲題二絕寄顧廉訪行之

送龍太守謫黃州別駕

謝 賜鮓魚

立秋日早 朝

宋布衣有徐司寇席上贈吳人翟

德夫之作余謂其不典代為此

詩

送宋布衣還新河

贈孫封君六十

吳中大水寄顧行之憲伯

送陳補之叅軍之任陝右

送孫殿撰省告還吳

送湯給諫出叅閩藩

送大司空楊公之任南都

哭張希尹開府二首

謝 賜楊梅

謝 賜枇杷

讀曇陽傳六首

二卷

新領秩宗之命玉恩堂感舊漫賦

上將舉 大閱禮蒙 賜大紅羅

織金麒麟服併鸞帶銀瓢佩刀

等四事志感

大閱禮成擬應 制詩二首

兩後署中燕坐偶成

初侍 經筵恭述

酬皇甫子循僉憲寄贈

喜故僚郭鎮夫憲副自金鄉遺書

賦此答贈

烏玉鏡歌

贈王山人世周

謝賜川扇

得張肖父中丞書憐其不調却寄

此詩

送沈太史冊封衡藩因歸嘉禾

壽母

送莊太史冊封韓慶二藩因歸

晉江省覲

送何太史冊封楚襄二藩

送曾太史冊封岷吉二藩無奉

母夫人還衡陽

張中丞頃從內旨召入為少司

馬喜而有述

送王世周還吳二首

送錢侍御按楚

送羅侍御按左廣

送大司馬方公致事還嘉魚

翟德夫同年養痾朝天宮道房秋
日訪之戲遺此什因促之還舍
效長慶體

九月朔日恭進 大報等祀日冊

詩

欽遣待宴朝鮮使臣恭述

九日無處作客喜龔汝脩虞部至
留酌賦此

送侯士隆少叅齋捧還任便道過

吳省母

曾大司空署苑中頗備禽魚花竹
臺榭池塘之勝乃諸曹所無秋
日招飲偕余何許三學士同賦
唐道述山人書來賀我六十寄答
此詩效長慶體

少宰夷陵王公考績日省中適獻
誕庶之祥太宰陽城王公有唱
輒和斯什

春明和
送馮敏卿駕部擢貴陽學憲

送汪顯卿山人還吳

六十生辰自壽

送臨淮侯李督府守備南京

贈唐良德憲副七十效長慶體

贈王國芳山人七十效長慶體

雪日柬宋布衣獨居禪院

仲春日與大司寇嚴公飲西隣許

錦衣園作二首

戲題郊寺牡丹二絕

同年劉子威僉憲自吳中遺贈四

詩併寄佳集蓋余與子威別三

十餘年矣爰勒報章用摠情素

冊立九嬪禮成恭紀

入夏苦旱疏請禱兩三日應祈

甘澍大沛喜而有述

送王太史冊封蘄荆諸藩

送鄧太史冊封益藩四王便道

過家

送馮太史 冊封代王妃

三卷

蒙 遣代祀 先師孔子

端午 恩賜扇縷諸節物時妖星

夜見 詔罷西海子龍舟之戲

感頌 聖德輒勒短章

代宋布衣贈顧侍御

送鄭司訓之任上海二首

齋居話許陳二宗伯二首

贈吳畫師寫影

贈趙冢宰之任留都

示陳如圭儒士十二韻

送許民部奉使雲中

江陵公輓詩七首

九日同大司寇嚴公遊郊西禪寺

皇子誕生承天門放赦恭述

書事二首

欽遣分祀 郊壇

壬午除夕引酌感賦效長慶體

癸未元日早朝試筆

光州劉子玄進士偕殷無美諸君

夜過草堂即席賦贈

松江馮咸父進士投詩見訪併覓

余詩貽之短律

開歲訪莫廷韓文學於長安邸舍

作

元夕長安舍中集海內諸文士暢

飲喜賦短律二首

少宗伯陳公假還鼎州 上以公

講臣特 命馳驛贈詩二首

真州李進士祝往贈詩扇久未及

報而君以落第東歸矣高才不

遇寄此慰惜

送陳玉叔大叅之任蜀中

寄答宋布衣應元二首

未明補
目錄
贈殷無美春試十二韻

遺無美禪衣效長慶體作十六韻

扈駕祀陵無相擇壽宮恭

紀一首

駕臨勒草嶺頒賜扈從七臣茶

榼恭沾異數短述志感

同楊大司空梁銀臺尚常侍遊九

龍池

送袁六之唐藩乃公故唐史徃以

橫罹被逮君侍之北行茲以橐

裝未歸故有宛役

送龐子儀掌教滁陽

送李友卿比部守濟南

為沈叔裕自京邸壽母陸孺人七

十效長慶體

送萬仁父都諫奉使西北諸藩議

事十八韻

偶書所感因效長慶體

同龔虞部汝脩殷進士無美暨兒

子輩懋普濟禪林

寄王罔伯解元遊寓碧雲寺二首

送沈太史 冊封德魯二藩

送敖太史 冊封岷藩

小齋漫興二首

無題次韻

嫁女詩

題呂舍人紀畫鷓鴣捕魚圖效栢

梁體為李茂才作

贈王長孺文學赴成國次公幕二

十韻

新秋日偶同鄉王比部龔虞部殷

巖二進士王沈諸文學暨申甥

見過留飲作

送少司徒王公假歸濟南省母太

淑人

春明雅

目錄

三



國家圖書館, NATIONAL CENTRAL LIBRARY, TAIWAN, R.O.C.

春明稿卷一

詩編

鄖城秋夜夢謁 帝座寤而有述

鄖城伏巖隩兵氣秋澄鮮宵長苦寐短

忽夢升九天 帝座拱穆清稽首庭階

前夔龍蔚嘉會玉帛森華鞞矯迹綴行

列肅珮儼周旋日月垂末曜風雲迥高

褰曰余抱孤蹇精誠何由宣寤睇河漢

側攬衣颯飄翩伊昔投南紀一往十九

年徂江復浮漢節旄幸故全勺水知腹



厭脩途謝領延戢景安膚庸戒步虞途
遭徒然感四愁安敢需九遷所欣乘道
泰職司貴靡愆是時物候佳周覽極山
川疇稼已如雲邊烽淨無煙何以將明
德誓言秉貞堅凡夢舉非真即真亦夢
馬屈伸交變易幻化相糾纏以茲黽
意不作蕉鹿牽皇鑿儻勿遺履坦任自
然

應 召右司寇鄖江志別

領鎮無能叨福地在玄嶽部賜環何意望鈞
天拜命前帝座歲星合向金門老卿月
初輝白髮鮮南去颿檣思郢樹西飛組
練憶秦川關門總識來時路慚媿兒童
竹馬年

九月望夜均州望岳樓與內鄉李封
君酌別

棟宇高懸淨界寬
巨羅飛影岳雲端
歌迴寐寔魚龍起
醉倚空濛鳥雀寒
四顧

河山澄夜色九霄風露傍秋官黯然莫
問江淹賦浮世應知此會難

移駐襄州候代久之署夜書懷

麋城東望路茫茫峴首雲開見故鄉三
澁江流堪永夜二儀寒色漸繁霜著書

杜預心仍癖余有春秋億歸闕黃瓊

鬢已蒼漢李固薦瓊自是周南愛留滯

不須頻趣舍人裝予宦楚蓋

雪夜次真州會陳玉叔大叅以督餉

至招飲禪室書此投贈

千崖凍合慘江天館夜逢君最可憐玉
樹恍依禪榻畔琪花紛舞佛燈前曾聞
星聚元芳席何意風迴剡客船淮海正
愁飛輓急可能重賦小山篇

恭展先墓焚黃志感時兩宮大慶覃恩始蒙

三代
馳典

龍函玉冊賁柴荆 聖主恩深倍愴情
三世總沾綸綍貴一經能重布衣聲愁

春明稿 卷一
來霜露春逾結繡被松楸晝自榮却愧
韋家能述祖路人虛擬漢公卿

過婁塘訪陳進士上之留宿舊館小

樓志感時余將北上

尊酒逢君話舊遊浮雲西北滿高樓十
年風雨勞相憶萬里江湘迥自愁卧向
石床收散帙聽來婁水歎行舟升沉亦
是須臾事漢代終憐老太丘

北上別歸有園作

為惜幽棲地茆堂半掩沙官疑隣斗極
吾自悵天涯老厭名為累春知鬢有華
崇班慙法從末路學名家飲啄成何事
馳驅可但誇苑葩如醉客相別爛於霞
過滁陽張同卿招飲豐樂亭暮別遇

雨作

蒼崖碧樹隱潺湲邂逅清尊細雨間春
事漸從熊軾暮吏情終羨馬曹閑天邊
驛路饒芳草煙裏人家傍晚山為愛釀

泉留客處坐淹餘景不知還

謁費公祠

祀閔子騫

昔賢辭費宰今見費公祠
半畝桃山宅桃山地名千秋蘆絮悲
夕陽臨古道過客儼
餘思留得丹青在人間
後母慈

右司冠面 恩恭述

建禮當年侍 世皇祥刑今復覲 明

光 鑿坡日轉 龍顏近 綺閣香分

雉尾長臚列星辰叅執法班
聯槐棘媿

章 隨行由來邦禁資明允
千載臯謨是舊

送徐殿讀 冊封楚藩便道奉母還

吳

蓬萊詔下諸王國江漢颿乘萬里流
南紀舊京傳絳節北門 新命擁彤駟
周家典為分茅重楚邸筵承置醴優為
報潘輿歸畫繡春暉遙映鄂城樓

送帥同父給事 冊封滎藩便道還

江陵君擢第十年始歸鄉里

早歲曾題駟馬橋於今銜命趣星軺江
山列郡環朱邸帶礪函封下赤霄洞野
再張黃帝樂 衮衣時補 聖明朝懸
知獻納闕民事所至停驂問俗謠

秋日送鄭貢士辭試還江陵

燕庭方市駿而汝獨南行不愛千金價
終成一士名遺珠空復歎失路若為情
詎是干秦者歸家有婦迎

送沈少宰之任南大司空

八座勲名較未遲 兩都位望總相宜
衮衣不隔雲霄遠 簡命偏承雨露
私曾向虞廷宣拓惠早聞神禹佐文思
龍盤虎踞興王地邦土於今頌鎬遺
宋布衣應元遊楚三十年至是聞歸

新河寄訊一首

楚客終還趙知無負郭田一椽風雨後
兩鬢雪霜前酒向何門乞詩應異代傳

春明雜記 卷一
宗生歸老日好寄卧遊篇

夏至日齋宿集大司寇嚴公少司寇

陳公

齋居肅穆淨炎氛翊 帝祈靈邁漢汾

坐對西陵人自爽語移北斗夜初分檐

前樹色籠華月檻外樓陰鎖白雲郎舍

樓雲却憶先朝供奉日披函留得問釐

文

北郊候駕

泰折壇開夜未央 禁鐘迢遞月如霜

九關風動清馳道 六轡宵嚴出建章

調夏黃琮通御氣宜年碧黍驗農祥紅

霞縹緲迎 華蓋祝史應占萬曆昌

恭紀 賜鮮二首

太液池頭散井蓮銀荇擎出故澄鮮分

甘自識 恩波地 賜食應從 寢廟

筵濯濯金莖同漢露絲絲玉節引堯年

共知液雪消三伏深媿蟠泥戴九天

右藕鮮

上林春雨長琅玕折得仙芽滿 賜盤
御鼎調來均燕喜 天街頒罷仰宸
歡 恩專九列勝分玉珎重千條象舞
千額秉堅貞酬厚載還因風動卜長安

右筍鮮

送少司空陸公還平湖效長慶體寄未
掉頭東去五湖東 昭代賢哉歎此公
朝論何人當古直公部覆推直 君恩今日

見初終千般行逕歸方穩萬事浮雲過
即空莫謂萼羹猶未熟挂颿何必待秋

風

公舟候暑
退始發

雨中訪莫是龍文學於圓寧寺不遇
賦此寄贈

兜率清齋尺五天高人所至不離禪浮
雲行脚應無住細雨論心別有緣客座
朱花開自媚經堂白拂晝長懸從來蓮
社踈塵轍惆悵東林隱暮煙

春明稿 卷一
翟德夫同年相別廿載餘矣茲來重

晤傷其獲落賦贈短章

君占癸卯鄉試已以

註誤
削籍

二十成名世所稀名成翻觸世人機當
年結客今誰在少日離家老未歸俠傍
燕山時跨馬醉聞吳語亦沾衣舊遊總
憶歡娛地搔首風塵萬事非

齋兩集翟莫二子賦十韻

炎曦被高館退食慙素絲微風動檐楹

一雨生涼颺醒燠不在遠脩景坐自馳
何當邁休澣開逕遲所知二惠欣競爽
方駕何差池啓筵沃清冷振袂滌塵緇
庭樹吐榴焰盆儵漾蓮漪朱實沉冰盤
綠醕湛羽卮雖乏豐廚膳雅與文史宜
宿尚美林壑清時滯纓綏會情良莫逆
屢醕已忘疲瑤華欲有贈嬾婉不自持
布衣心相許安貴平原期

寄壽周僕丞六十效長慶體

當年豈薄馬曹官，神武門前早挂冠。
世共矜簪笏，貴為園偏愛水雲寬。
家祝駟崇華闕，公父兄俱荀氏，占龍競綵
驩。荀公有八子，如輪甲比余高一歲，容顏
不減舊時看。

送鄉友落第還家

白玉河邊春水生，黃金臺下送君行。
懷書空復懸明主，當世徒然歎長卿。
尊酒片時官舍靜，風塵長路客衣輕。
亦知

獻納非吾事，自是憐才意未平。

送李湖州覲畢還任公前以御史

按楚余與之別於衡州

回鴈峯前望使旌，三年天目寄專城。
鋤強不忘埋輪意，賜錙真同宴鑄榮。
歸對懸魚仍卧治，到來騎竹重歡迎。
潁川拜爵應非遠，循吏由來數漢京。

哭陳上之二首

去日那堪問浮生，爾忽過終憐龍卧晚。

空聽鹿鳴歌

君五十外始登鄉試

海內窮交盡天

涯客淚多絕絃千古意垂老竟如何

其二

前歲偶相見卧君樓上頭悲涼一夜語
寂寞九京愁往事閑堪憶來書恨莫酬
殯宮春草發沾灑向南州

南郊耕藉侍宴恭述

南陌春雲覆苑田蒼龍肅駕聖躬虔
臨轅已識維馨意陪乘同沾既醉筵

帝力豈知覃后土農歌齊唱合鈞天
還賡湛露追周鎬頽被薰風入舜弦

恭送聖駕祀陵

青郊從騎鬱雲屯紫陌仙班拱至尊
旭日采旄宸警肅春風馳道睿顏
溫行宮駐蹕臨丹壑午夜升馨徹斗
垣縹緲裊恩承太祝萬年圭鬯卜文
孫

迎駕自西山還宮

宸幄朝聞度鞏華迂旌還做碧雲涯魚
麗隊引 龍舟出 鳳吹聲迴鷲嶺斜
鉦鼓闐城歡就日羽旂清道淨鳴沙都
人延領回鑿切脯 賜先沾十萬家
初夏陪大司寇嚴公少司寇陳公遊

歸義寺漫興

宦情空復對禪林靜愛蒲團向夕陰鐘
梵忽聞諸品寂簪裾遙寄萬花深亦知
幻住終無着稍覺清涼了此心久別京

華問僧臘庭前祇樹碧森森

宋布衣至京時在武當相別十二年

矣酌酒感舊

太岳晴雲照佩鈞洞庭煙雨夜維舟

與君

嘗登岳陽樓過來都是蘧蘆夢老去難忘汗

漫遊一別死生無可問重逢尊酒莫深
愁燕歌落魄魄吾憐汝疋馬長安掉白頭
雨中餉宋布衣瓜菜

禪關淹雨後高卧幾閑身苔徑逢人少

春明稿 卷一
雲堂禮佛頻一蔬吾亦念獨夜爾誰親
終媿西江水那能潤涸鱗

戲題寄遠

繁絃急管若為情一曲能令百醜傾醉
後不知歸去晚香闈題作亞夫營

雨中撥悶簡宋布衣

江南此日正愁霖北地如今亦滯霖沸
鬱河魚終自適氛氳野馬故相尋漫教
葱嶺求生入枉向金門怨陸沉五月披

袞翻不悔清風林下獨行吟

戲題二絕寄顧廉訪行之有序

行之書來云頃夢與余同見一孩
嬉戲於其側因祝余又當生子自
念冉冉老矣儻有奇驗足證妙因
因憶前年丁丑余在鄖陽一夕夢
登皇極殿有紫衣璫立螭頭連
呼行之之名者三余寤曰此三命
之兆也已而聞行之以憲副擢大

參尋晉憲伯不一月而引疾去果
三命也今閱三年矣豈以寧馨相
報乎喜志短句聊為左契云
與君俱是夢遊身老去相期入夢頻待
作明年湯餅客宜男應笑白頭新

其二

投桃何以報瓊瑤吉夢還將吉事消欲
向閨中傳喜信教誰連夜整雲翹

送龍太守謫黃州別駕

君為吳郡司理名士多出

其門

采石初傳五馬新題輿又向楚江濱山
川自昔留詞客團練無勞寵逐臣哀郢
獨含芳杜氣思吳長拂絳紗塵相逢且
莫論飛伏欲解虔刀贈所親

謝賜鱒魚

江南飛傳趣冰鮮破却炎蒸到日邊珍
賞已占慈慶洽餽頒還識主恩
偏銀鱗細簇傳貂貴玉饌香分想

御筵叨享大官慙素飽祇應長頌屢豐年

立秋日早 朝立六月望夜戌時秋是日謝鮮

漏聲初轉月明中為報新涼入漢宮五
夜朝衣生爽氣三年客鬢待秋風盤鵬
不動胡沙北獵騎長嘶 御苑東解道
天街淨於洗 湛恩真與露華同

宋布衣有徐司寇席上贈吳人翟德夫之作余謂其不典代為此詩

相見鄭莊門空庭倒玉尊仰天迴白首
席地向黃昏試聽吳趨曲能銷易水冤
千秋慷慨意不與眾人論

送宋布衣還新河

長揖下燕關蕭蕭秋氣寒無家何所適
有缺不須彈誰謂買山易 布衣來京意營菟裘老焉
竟垂素而歸 終悲行路難可憐垂老別忍放
酒杯乾

贈孫封君六十 翰撰繼

少微占瑞臨南極太史 馳恩冠北扉
新釀惠泉成壽酒早看 宮錦作斑衣
人間甲子重輪轉天上仙郎及晝歸聞
道 殿前分鹵簿庭階玉樹倍光輝

吳中大水寄顧行之憲伯

每逢秋至歎歸歟空向山中有報書垂
老翻增 明主戀經時轉覺故人踈亦
知潁水堪遺世為問堯年可卜居無祿
憂農真念汝別來情事竟何如

送陳補之參軍之任陝右

百二河山在秦中古帝州名藩資典記
良牧待分猷朔氣橫秋集邊烽入夜收
單于今款塞龍劔挂床頭

送孫殿撰省告還吳

雲白遙瞻江上城詞臣趣駕賦南征思
吳詎為鱸魚美 當宁偏憐烏鳥情紫
殿香煙籠舞袖碧山秋色候旋旌過家
不遣喧鏡騎絕勝臨邛負弩迎

春明雜記 卷一
送湯給諫出叅閩藩

夕郎重拜歲差池更遣分麾過武夷
闈香含焚草後鄞江秋滿挂颿遲
瘴海銷兵甲日下朝廷藉保釐
莫學汲生愁對屨均勞總是報恩時

送大司空楊公之任南都

廿年前侍大明宮白首趨朝拜舞同
遂見崇階懸北斗由來熙載屬司空
平成天地須公等佳麗山川似鎬雄
斲到

陪京歌 祖烈垂衣 天子待膚功

哭張希尹開府二首 有序

曩與希尹夜別毘陵舟中比填粵
西書來約余同退後奏十寨之捷
其意更為決然而希尹不起矣悲

哉言念平生率有此作

歿於庚辰七月

捷書方奏未央宮旋見營星墜遠空
萬里炎荒歸旅櫬千年浪泊泣孤忠
用馬伏波事詎因厄歲占龍讖誰為招魂出鴈峯

少日論交今永訣七哀淒斷大江東

其二

毘陵明月共孤舟誰信浮生此夜休
蒿目風塵留一劍拊膺天地合千秋
書來欲卜菟裘老死去難銷瘴癘愁
桂嶺獨瞻遺愛石路人如哭鉅平侯

謝 賜楊梅

丹霞垂穎露含滋 玉殿分鮮下赤墀
色傍朱明占品異 珍同火齊沐恩竒
調

羹湯擬參梅實先 駕還應逼荔枝沁齒
不須愁內熟園陵方及薦冰時

謝

賜枇杷

相如賦稱蘆橘即枇杷也

江南珍果似金丸 驛騎爭馳五月寒
薦夏幸沾明主賜 驚新應識近臣驩

兩階芬馥流瓊液 萬顆勻圓滿玉盤
却媿相如能奏賦 承恩今日勝園官

相如故文

園令

讀曇陽傳六首

方唇虎齒目蒙珠幻影題來與世殊試
聽塵風搖動處疑仙疑佛又疑儒

其二

常聞仙迹避高深來往人間杳莫尋何
事夜深高齒會儼然笙鶴在樓陰

其三

跏趺說法類禪宗談柄縱橫劍繞龍四
大未離先度世令人恍惚竟無從

其四

十年枯坐一高樓忽有靈蛇作伴遊待
得道成蛇不見莫須蝴蝶是莊周

其五

靈龕閉後却如何龕外心生想像多縱
認眼中真有佛那知腹裏轉成魔

其六

生滅何曾得自由西飛白日水東流誰
人了得貪癡念枉向曇陽觀裏求

秋思

春色還生秋水邊
江南風日自依然
長安夢醒敲砧處
攪亂離愁已四年

春明禱卷一

春明稿卷二

詩編

新領秩宗之命玉恩堂感舊滂賦

青霄建禮切論思簡命從天恍自疑

袞綉再傳丹鳳闕疏辭不允更分曹

初遠白雲司余自少司超沾異數無今

日晚遇重華未後時前度獨憐芳樹在

春深庭院碧陰滋

上将舉大閱禮蒙賜大紅羅織

金麒麟服併鸞帶銀瓢佩刀等四

事志感

帝簡車徒頌武成侍臣先拜珥貂榮曾

聞瑞應光周咏僭擬公銜列漢京

麒麟故上

服公金錯恍涵雲錦麗銀罌偏艷越羅輕

亦知躍馬非今日圖閣空懸報主情

大閱禮成擬應制詩二首

黃鉞乍臨玄武北朱旗遙閃日華東勾

陳曉肅瞻霄近碣石雲開護蹕雄擬

捷天驕歡奏凱旋驚雷動劃呼嵩周家

合獻車攻雅漢世徒聞咏大風

其二

細柳春陰駐翠華軍前朝氣集高牙

軍法

云朝氣銳衝鋒赤路揚沙遠疊陣雕戈止日

斜縹緲重瞳分破的驍騰萬舞雜鳴

笳從教卧鼓拋金鎖夷夏於今是一家

兩後署中燕坐偶成

齋雨初過霽景新青春無處不宜人

八陵雲色窺丹幌三殿花陰下紫

宸几閣似連滄海潤羽書不動塞垣塵
地分清切慚何補虛擬甘泉侍從臣

初侍 經筵恭述

合殿春風襲講帷香煙時傍袞龍飛
函捧帙來東觀 玉几傳經自北扉
九列從容森委珮 重瞳炯照仰垂衣

宸居肅穆聞 天語瓊宴還沾既醉歸

酬皇甫子循僉憲寄贈

春明相見歲差池鄉國於今是路岐

余

見揭時與公相 總解君平能棄世曾聞匡

鼎劇談詩翻因白簡寬柴柵羸得青雲

羨羽儀老却漢庭虛聽履書來疑自北

山移

喜故僚郭鎮夫憲副自金鄉遺書賦

此答贈

岱宗東望鬱差莪廿載相思柰爾何此
日沉淪那可問中原故舊已無多向來

題柱雙龍坼

余為詞部時

忽漫緘書一

春月高

卷三

三

鴈過老我歲星頭白盡幾時重和濯纓
歌

烏玉鏡歌

山東郭鎮夫憲副遺玉鏡一具其
色如墨差露微明不甚了了似於
老人面孔為宜戲作此歌寄之

玉質貴白不貴烏為問有玉如墨無天
生珍異肯自炫向來剗彩天方隅夷工
斲取規為鏡菱花隱隱光盪摩何處織

雲籠片月宛從赤水出玄珠含暉不用
金膏瀉滋液疑有神靈扶盤龍對鳳不
足數曾聞蜀王以此表武都郭君前日
寄書信以鏡伴緘勞問訊開緘啓鏡拂
拭之闇然摩挲差自慶鬚眉髣髴具大
都疵垢遁藏無左証乃知溫栗自天成
不將太察矜名勝城北徐君果不如添
我十年作官興與君往作尚書郎燁燁
容華朗相映春明一別今幾年霜霰風

塵集頭鬢我貌已知非故吾君顏那得
如前盛兩人相見必相憐鏡裏流光難
與競漫云人面等恒河終覺空花匪真
境唐人曾作昏鏡詞昏鏡價高皎者卑
皎為不諛昏莫辨臨昏可以混妍媸此
鏡不昏亦不皎用晦用明兼所施自揣
形骸元土木寧堪歲月更差池世間後
凋獨松柏所以疑信姑半之物情誰不
厭衰醜老來合付無何有鏡雖不言我

自知少年一去能還否今朝對鏡理朝
衣掩却蒼顏開笑口縱被包容強自寬
轉慙神影翻相誘骯髒猶塵南省班蹉
跎已負東山友早期勲業上青霄枉向
巖廊回白首鏡鑑不如人鑑明平生肝
膽君能剖

贈王山人世周 有序

山人故友王參軍元肅子也童時
相別今二十三年矣頃持王敬美

書重遊京師以謁貴人罕遇之者
傷其垂橐投贈此篇

往時曾憶髻如鴉契濶於今幾歲華見
汝祇驚吾益老從前閒數世堪嗟人疑
白壁難為價巷指烏衣莫問家總道孝
標能廣論可令飄泊向天涯

謝 賜川扇

宮箒傳宣自上台中貂擎出五雲開旋
分掌握驅三伏颯動清涼遍九垓輪月

却從巴嶺度薰風時逐舜弦來共將披
拂承 嘉惠絕勝凭虛萬仞臺

得張肖父中丞書憐其不調却寄此
詩

廿年同舍有斯人咫尺褰帷意轉親彩
筆至今占氣象青萍猶未厭風塵深宵
緩帶榆關靜長路題書劒閣頻不久玉
門歸漢節相逢應念白頭新

送沈太史 冊封衡藩因歸嘉禾壽

母

玉冊金函出漢宮
詞臣旌節古齊東
頌封如賜營丘履
問俗猶存大國風
凭閣秋生滄海上
倚閭人在白雲中
秀谿當戶迎歸駟
錦帔霞觴燕喜同

送莊太史

冊封韓慶二藩因歸晉

江省覲

秦隴河山百二懸
函關紫氣使君前
開疆勝阮羗胡險
受冊盟垂帶礪堅
捧日

地分雙節迥瞻雲
天遠八閩偏聊歌
四牡還將父聖主
凭虛佇講筵

送何太史

冊封楚襄二藩

雄藩江漢接天開
使者雙將赤壤來
鶴嶺風清聞笛夜
庶門雲淨讀書臺
諸王爭識何郎貌
千古誰當宋玉才
世業詞林冠蓋並
夢迴池草向蓬萊

長公方在講筵

送曾太史冊冊封岷吉二藩兼奉母

夫人還衡陽

六傳爭馳使者車名藩雙下玉函書洞
庭一夜聞天樂雲夢千秋遲子虛驛路
山川俱錦畫王程日月自潘輿文章不
待浮湘進南嶽峯前早卜居

張中丞頃從 內旨召入為少司馬
喜而有述

上谷頻年倦塞塵金甌名在 御題新
時來未暇論推轂 主聖無勞歎積薪
忽訝賜環猶似夢旋呼司馬却成真采

薇歌罷歌天保樞府初還報 國身

送王世周還吳二首

炎月難為客風埃獨送行一金那可待
孤棹傍誰征遊洛心偏壯干秦計未成
布衣時所賤歸卧掩柴荆

其二

江左家聲在清門有象賢不忘上國意
聊續遠遊篇相馬終疑瘦歌魚漫自憐
綈袍雖可贈臨別更悽然

春明雜一
送錢侍御按楚

西臺分執法南紀促嚴程
炎月霜隨憶清江水遶城
轍窮全楚勝冠稱惠文名
藜藿知難採先聲避使旌

送羅侍御按左廣

南粵殊風氣何妨攬轡行
時經三伏盡路入五羊平
露簡先懲墨紆籌蚤罷兵
由來炎瘴地聖主待澄清

送大司馬方公致事還嘉魚

出入三朝一俊人得歸未老鬢如銀

太師名在華夷口司馬功存社稷身

跨鶴樓前堪鼓柶黃鶴樓在武昌躍魚山下漫

垂綸躍魚山在嘉魚主恩未許容高卧邊事

還須仗舊臣

翟德夫同年養病朝天宮道房秋日
訪之戲遺此什因促之還舍效長

慶體

君家東市裏西來卧玄都玄都何所有

春明雜記 卷二
壁底黃公壚本意思習靜逃虛養殘軀
別君纔浹旬閉門秋已徂今晨候顏色
依然山澤癯豪興故不減豐脰促斯須
行厨出新釀對酌仍呼盧戶外車馬聲
紛紛供盞壺乃知此地僻人事未盡無
縱能遠婦聒何以謝酒徒知酒不可止
去家何為乎君病在麩藥所患亦皮膚
酒病酒藥醫此語或匪誣人生貴適性
囂寂俱坦途寒月苦相迫嚴霜集庭梧

長宵不肯明床頭愁僕夫衰足待人煖
衾裯固有需鬢雲總如雪歡愛良不渝
負暄堪惜日弄孫如抱雛為君作移文
與君祛瘴魔心和形不敝永以娛桑榆
九月朔日恭進 大報等祀日冊詩

有序

每歲九月朔大宗伯以 大報日
期等日告於 皇帝前期於本衙
門宿鴻臚卿具請御殿及設案

奉天殿中是日百官公服侍班
皇帝服皮弁大宗伯具朝服自午
門中道行奉祀冊日立置于案
皇帝就案先立定大宗伯跪奏曰
某年分大報等祀日冊請敬之
皇帝搢圭取而躬視訖序班舉
案置於華蓋殿中皇帝陞座
百官叩頭如常禮畢此肅皇帝
欽定儀也臣今歲躬承斯役僭紀

異數云

禁垣秋鎖碧氤氳寶冊高擎入五雲感
切露霜崇報祀光依日月仰思文儼趨
丹極馨香徹端拱天顏咫尺分穆
卜萬年承主鬯兩階齊祝聖明君

有下馬上
馬二宴

欽遣待宴朝鮮使臣恭述外夷來朝
者惟朝鮮

稱藩最謹說朝鮮一度來朝兩賜筵
貢篚遠從山水至羅珎俱自上方傳梯

航通道窮山海風日迎秋被管絃七奏
禮成沾醉後華夷同此戴 堯天

九日無處作客喜龔汝脩虞部至留

酌賦此

九日花無酒亦無蕭蕭庭院冷茱萸何
人自據彭宣坐向晚來尋阮籍厨閱世
年光惟爾共登高筋力仗誰扶西風一
鴈江東去望斷吳門練影孤

送侯士隆少叅齋捧還任便道過吳

省母

金鏡高懸黼座前玉珂初散薊門邊五
陵佳氣兼秋迥雙闕晴雲捧日鮮給傳
已沾將母惠勞歸還被大官筵江南彩
袖湖南旆釐祝欣同燕喜年

曾大司空署苑中頗備禽魚花竹臺
榭池塘之勝乃諸曹所無秋日招
飲偕余何許三學士同賦

橫颺介爽節停雲宣滯情今時不為樂

春明稿 卷二
何以鳴太平及此在嘉招軒蓋麗以盈
參差苔逕古窈窕筠房清窺簾秘洞壑
倚檻臨蓬瀛已欽高明具復覩與曠并
碧蘿垂幌合朱鯉凌波輕凝香集文彥
霏玉流英聲幽期詎伊阻冲緒故相縈
當驪酒應醕戀景席屢更巖吹雜瑤管
林光薄霞觥盪胸陵氣豁沾醉城陰生
厭飲思秉燭戒康仍振纓鳧鷖欣燕處
天地歌平成眷爾錫圭日素絲希令名

唐道述山人書來賀我六十寄答此

詩效長慶體

少小學同師相將慕青紫及長各有營
君醫我為士醫將以活人士也思濟世
而我偶乘時故交遠相棄一往三十年
臨衰忝高位歷盡風波間始居日月際
於世竟無裨躋顛反愁躓人皆艷文犧
誰復矜澤雉念君擔青囊賣藥練祁市
折樊種竹梧遶屋具山水三竿傲朝雞

萬鍾當一七身不受饑寒足不出鄉里
以茲稱善人於愿亦足矣我年開六袞
君歲更增二出處雖不同筋骨略相似
昨日寄書來殷勤致驩喜遺我畫一幅
寫自平山子滄浪濯足圖蕪葭邈難企
滿地皆江湖何人解知止回首望故園
抽身亦容易曷不歸去來拘牽欲何俟
趁君未耄時畢我父要志無勞北山移
投書作左契

少宰夷陵王公考績日省中適獻誕
庶之祥太宰陽城王公有唱輒和
斯什

嘗聞瑤光精散地毓仙獸昔為韓衆騎
今伏山公囿馴性諧杜牝吻鳴狎左右
公庭故晏清此物亦瑩秀是時 皇路
夷所至滌煩垢穆如揚清風含生欣在
宥秉衡今有人貳銓亦惟舊王公起西
陵道直心彌厚乘時密贊襄雅志康宇

宙進賢勲已崇稽典賞宜懋會當奏景
晨適值誕麇候圉人促傳呼羣吏驩騰
驟竒章蔚五花明德協三后於古準圖
經其祥占祿壽嗜欲必開先天人乃輻
輳乳猫詎足誇留犢疑自售何如蓬島
玠上應斗樞宿禎符燦朱明玉彩輝永
晝相將舞虞廷賡歌卜純祐

送馮敏卿駕部擢貴陽學憲

司馬門前初奉 詔夜郎城外促征軺

除書直為掄材重露冕寧辭問俗遙坐
見橫經開二酉行宣舞羽過三苗當年
折檻家聲在留得簪纓翊 聖朝

先侍御公
以諫顯名

送汪顯卿山人還吳山錦山人客凌

燕山秋盡日吳客獨歸時劒氣寒逾勁
琴心老自知酒酣嚴武幕鱸憶季鷹詩
京洛多塵土那曾上鬢絲

六十生辰自壽時十一月
六日

甲子須臾不自知 三朝愁鬢忽成絲
雄心擬逐冰霜老 孤植難忘雨露私
北闕垂衣虛造膝 南宮分采誤承釐
堯天更值舒長日 夙夜於今媿伯夷

送臨淮侯李督府守備南京

開國盟垂帶 礪堅登壇聲重 制麻宣
漢家肺腑親無比 周代岐豐任獨專
舊邸重瞻麟閣畫 雅歌須續鳳臺篇
風清玉帳凝香後 佳麗山川合晏然

贈唐良德憲副七十效長慶體

五十遺榮髮尚玄 侵尋又度古稀年
聞雞漫向中宵舞 躍馬都成去日緣
俠傍雙娥人似玉 歡呼一擲酒如泉
但教百歲長如此 醉後勝叅半偈禪

贈王國芳山人七十效長慶體

早歲移家澤國邊 看君渾似地行仙
吳山越水人間世 秋月春風物外篇
強健不須尋大藥 逍遙或已悟真詮
輪來花

甲重逾十眼見前頭是百年

雪日東宋布衣獨居禪院

二月猶飛雪春城故作寒應憐裘敝盡
莫覓酒為歡避俗宜高枕隨僧但一餐
門前車馬客誰復問袁安

仲春日與大司寇巖公飲西隣許錦

衣園作二首

結駟臨芳榭開尊傍禁城墻頭初過
酒谷底漸聞鶯隔竹酣棋陣看松散履

聲共占星聚處月白更分明

其二

文武承家舊園林選地偏偶乘休澣暇
同醉艷陽天簪紱原無碍逍遙故有緣
不須期十日來徃任悠然

戲題郊寺牡丹二絕

禪關春色正三分艷異名花爛似雲初
地由來呈寶相羣芳開遍却輸君

其二

朱明分焰闕殘紅無數丹葩趁午風離
却塵根生淨土青蓮相伴佛堂中

同年劉子威僉憲自吳中遺贈四詩
併寄佳集蓋余與子威別三十餘
年矣爰勒報章用摠情素

秣陵同醉鹿鳴秋頭白相看憶舊遊煙
月尚憐歌舞地風雲長護帝王州臺中
驄馬猶堪問天外冥鴻不可求恠得淮
南闕著述由來藂桂好淹留

公嘗為南
臺御史

其二

一自迴車背太行翻從吳卒問行藏洛
中投劾年初壯柱下留書意未忘夜月
爭輝藜閣草春風不散繡衣霜依稀記
得前朝事袖裏曾焚諫獵章

其三

闔閭城畔水如天南北相思共渺然尺
素忽傳雙鯉至寸心遙折二毛偏不知
別日為何地却誦停雲感昔年漫擬變

龍光 帝業箕山誰信有遺賢公詩謬以夔龍

比見

其四

自昔文章屬大家無勞優孟轉相誇
沉精杜預書成癖得意江淹筆有花
應識明珠增價色即看南斗避光華
已聞天子開東觀寂寞憐君富五車

冊立九嬪禮成恭紀

鵲駕飄颻度碧空鸞簫齊奏彩雲中
至

函分命仍周典金殿承恩在漢宮
喜兆多男應計日仁覃樛木始歌風
迴瞻佳氣浮雙闕傳與歡聲萬國同

入夏苦旱疏請禱雨三日應祈甘

澍大沛喜而有述

帝軫三農望雨深郊宮齋籲萬方心
析靈乂識皇穹格應禱俄驚大陸
陰遂有風雷乘夏令已聞沾足頌商霖
媿於調燮非能事滿地山川盡布金

送王太史 冊封蘄荆諸藩

雄藩占楚甸仙使下瀛洲
斲輟金鑾直遙從赤壁遊
江山初胙土屏翰共宣猷

郢客懷新賦荆原有舊樓

仲宣樓在荊州

送鄧太史 冊封益藩四王便道過

家

奉使辭 清禁飛旌入建昌
朱門榮棣萼華袞燦琳瑯
駟馬題橋近姑泉釀酒香
彤駟經故里冠蓋倍輝光

送馮太史 冊封代王妃

上國頒封日名藩築館年
人矜龍節重帝眷鵲巢賢
喜接金閨彥聞歌紫塞篇
邊城須騁望朔氣淨烽煙

春日

卷二

春明稿卷二

國家圖書館, NATIONAL CENTRAL LIBRARY, TAIWAN, R.O.C.



春明稿卷三

詩編

蒙 遣代祀 先師孔子

秩祀嚴承 制命尊上 丁初屆鬱春溫
充庭萬舞 森鷓序在廟 三更儼駿奔簾
隱碧輝星湛 沼漏沈清奏 月移垣升觴
未展疇功 祝引領今宵 恍及門

端午 恩賜扇縷諸節物時妖星夜

見 詔罷西海子龍舟之戲感頌

聖德輒勒短章



蓬萊霽景鬱瞳矐三接 恩輝引上公
氣靄薰蘭通 紫掖香分懸艾出 彤
官文繒總繫舒長日彩筵宜含喜起風
袂青已聞停 內宴乘陽端合仰 神
功

代宋布衣贈顧侍御

時按京
通二倉

君為周柱史吾覩漢官儀問水資漕輓
題封贊度支有言皆國是所至與民宜
驄馬還 朝日都人誰不知

送鄭司訓之任上海

座主鄭
太參子

風流司戶後更是廣文官三絕承家學
諸生候講壇羊城鄉信遠龍浦暮潮寒
奇字君能識何愁待問難

其二

舊客鄭莊門看君似弟昆青氈堪永世
白首更蒙恩士有機雲俊人知道術尊
太常方籍奏未遣虎皮温

齋居話許陳二宗伯

微雲蔭高樹夏夜轉生涼深語淒聞漏
清齋罷舉觴星河森自動香茗澹相忘
斲此遣塵慮悠然對玉堂

其二

踈簾窺短榻燭影故飄翩題柱思前度
祈靈異昔年心將薦明水班久媿甘泉
倚玉知何補同瞻尺五天

贈吳畫師寫影

山林骨擬廟廊珎三十餘年報主身過

去不知吾既老憑君識得本來真

贈趙冢宰之任留都

銓省清華逼紫台持衡南北總掄材崇
班舊識丰神異啓事今看次第裁王氣
行占龍虎地仙曹遙對鳳皇臺漢家卿
相多循吏籍甚聲名自楚來公嘗繼余守荊州以

卓異聞

示陳如圭儒士十二韻故友陳進之士
炎子予收之

篆局

逝矣悲良友頎然見此兒形容差帶肖
筆札稍能知古有存孤義吾懷鞠子私
絕交誰廣論抵掌儼餘思地阻壹慈戀
書爭史籀竒冠年通帝籍儒術藉郎貴
莫謂雲霄近應占日月遲速成非偉器
可久乃賢規珠桂憑增價衣冠且竢時
箕裘傳世在禮樂任人為地下懸肝膽
天涯忝父師他年頭角峻不負九京期
送許民部奉使雲中

韋杜城南尺五天舊家文物故翩翩承
流早奏扶風績轉餉今歌出塞篇秋老
薊門高朔氣霜清幕府爭烽煙勝遊曾
憶趨庭日司馬威名尚儼然

君之令先
公嘗總督

薊遼

江陵公輓詩七首

妖精一夜掃文昌明日靈臺有奏章

占云

犯內

內裏密傳妨上相

至尊凭几獨

徬徨

是日值端午節
詔罷龍舟之戲

春月高

卷三

日

其二

玉饌珍盤出上方 御書親灑照琳琅
綠槐庭院深深閉 唯有中貂遶卧床

其三

一病那禁二豎侵 憂勞誰識十年心
蚤乘箕尾歸何處 絳節雲幢已下臨

先是公夢

天帝召之

其四

丹旒飄揚上插天 太師名位合穹然

本朝

閣臣無生 生前寵數應無比 更領 恩
輝賁九泉

其五

文武傾城擁素幃 秋風聲斷薤歌微
何人為有西州慟 徒倚斜陽晚未歸

其六

鏡騎喧傳出潞河 素車白馬振鳴珂
逢迎盡是銜恩者 猶作從前相國過

其七

春月高

卷三

五

肖像還將正色看精靈不散五雲端渚
宮落日招魂處地濶山長思渺漫

九日同大司寇嚴公遊郊西禪寺

諸陵秋色 帝城西坐俯琳宮萬壑齊
齋供暫隨僧作禮香厨聊伴佛同栖青
蓮窈窕空花淨絳葉蕭疎落日低一榻
悠然勝泛菊便應雲卧寄招提

皇子誕生承天門放赦恭述

未央前殿漏聲稀 玉陛千官拜 袞

衣

虹瑞乍流符聖誕

今皇子上同月生與

龍顏有喜溢

慈闈

天門闢網寬三

面臚使宣

恩遍九圍臣在南宮無可

効 皇圖端應萬年祈

書事二首

戍客沙場望赦歸金雞 詔下旅魂飛
誰人解識回天力遺跡能無悟昨非

其二

從來 恩詔似今稀雨露沾濡及細微

貂貴更於希寵渥已聞襁褓 賜金緋

欽遣分祀 郊壇

縹緲神丘拱太清乘陽齊奏九韶聲青
旂氣藹瑤階煖紫燎光分玉宇平蠲吉
醇犧卑漢時迎長琮璧洽周京叨趨從
幕升馨處欲賦雍歌媿未成

壬午除夕引酌感賦效長慶體

屠蘇此夕猶他夕筋力今年異昔年尚
子未償遊嶽債虞卿終缺著書緣龍鍾

兄弟應相惜蝸角功名祇自憐酬國不
勝懷土意山林鐘鼎兩茫然

癸未元日早朝試筆

是歲
大比

車書萬國朝正會閭闔千門競綵晨
殿角雲霞宜獻瑞 階前蓂莢又驚新
蓬萊齊祝南山壽桃李爭迎上苑春頭
白自慙供奉久東方原是歲星臣

光州劉子玄進士偕殷無美諸君夜

過草堂即席賦贈

十年曾式中山里今夕相逢即故人片
語燈前堪自許窮交海內更誰親河嵩
不盡中原氣裘馬何慙上國賓總道菑
川能勸駕肯因阿世博平津

松江馮咸父進士投詩見訪併覓余

詩貽之短律

雲間二陸總能文屈指諸馮又見君賦
就兩都占氣象書開萬卷破紛紜登臺
價為遊燕重紉佩香疑自楚分更有華

篇堪述祖

先朝遺直至今聞

君祖御
史公以

諫顯嘉
靖初

開歲訪莫廷韓文學於長安邸舍作
徒聞天上有公車今代誰能著子虛白
璧已當三獻後青雲空負廿年餘到門
人問楊雄字他日山藏太史書最愛墨
池揮灑處春來草帶滿庭除

元夕長安舍中集海內諸文士暢飲

喜賦短律二首

帝里迎芳節賓筵簇錦茵席玳堪照夜
顛雪欲融春萍水驪逾劇煙花意更新
六街方爛熳回騎且逡巡

其二

鰲作三山駕星輝萬仞橋觀光須上國
留醉况今宵璧月輪初滿銀燈焰未消
宮壺延夜色密座起鸞簫童子有善吹
簫者坐中歌
之和

少宗伯陳公假還鼎州 上以公講

臣特 命馳驛贈詩二首

幃幄承恩久雲林去路賒暫辭金馬詔
歸看武陵花北極心彌赤東山鬢未華
洞庭煙水濶何處望仙槎

其二

春日出春明今朝似渭城蘭臺初解袂
芳樹獨含情給傳緣 明主環橋盡魯
生漢家重經術師席待桓榮

真州李進士祝往贈詩扇久未及報

而君以落第東歸矣高才不遇寄
此慰惜

翩翩文采照餘春自昔維揚有俊人貂
色攬時渾未救夜光投處竟無因空於
白髮矜先達或恐青蓮是後身解識江
村饒翠竹

君故讀書處

讀著書應不悔沉淪

送陳玉叔大叅之任蜀中

玉叔故蜀學憲

夷陵西望接渝州楚客還從鳥道遊劒
閣春陰隨露冕錦城花事艷行舟傳經

已變實人俗咨岳仍分 聖主憂坐鎮
不煩司馬檄三巴重見舊風流

寄答宋布衣應元二首

有序

去歲應元訪我都下留之四月別
去略贈草堂之資因揖余曰老夫
今不患餓死矣頃致書促我懸車
非故人情深安肯及此感茲雅意
媿未及酬漫寄短篇聊以代報

念尔長貧餓臨衰始嗒然漫尋花下醉

不廢日高眠有髮通禪理無官享俸錢
閉門堪養拙延得著書年

其二

故人勞問訊勸我盍歸與宦適應無盡
人生各有初深淵虛物望陶令愛吾廬
待得秋風至長安好上書

贈殷無美春試十二韻

昔別鹿城隅方舟阻婁水四載一相逢
日月薄頰齒戀組良悠悠垂老念知止

故人鬢尚玄壯心殊未已衰鳳矜九苞
伏驥縈千里呼酒燕市中斟酌平生意
烈士無暮年悲歌激人耳狗監不可投
凌雲復誰俟謬當獻納司繾綣屬知已
歲晚飽露霜春榮艷桃李仙人遺冥銓
吉夢協休否中宵劒繞龍騰躍自茲始
君寓呂公堂初至呂仙投夢云

遺無美禪衣效長慶體作十六韻

謂曇陽仙女許以得度故詩中及之

儒佛匪異指其徒互詆訶香山與坡老
長念阿彌陀蹇余涉世久所經萬劫魔
唯天有浮雲何水無驚波第持不二戒
嗔喜都消磨宵中裹敗衲顧影戀婆娑
豈乏金章貴瞥眼空花過自性還自解
前身或維摩行年六十餘人謂顏如酤
曇陽高弟子真訣當如何解衲以衣汝
相將叩禪那總持萬緣寂提挈四大和
長安亦淨土隨處了阿羅恒河浩無際

傳性不在多塵根行自斷何必尋芥柯
他時靈山會叉手笑呵呵

扈 駕祀 陵兼相擇 壽宮恭紀

一首

帝輦鈎陳肅羽林 袞宮臺殿鬱春陰
行隨法從叅鳴玉旋擬蠲恩等布金鶴
馭乘風華盖迥龍旂拂曙翠微深尋山
漫卜歲弓處呼岳彌增捧日心

駕臨勒草嶺 頒賜扈從七臣茶棹

恭沾 異數短述志感

天峯淨掃屬車塵
帳殿傳宣寵賚頻
香徹龍團仙品異
甘分玉饌上方珍
應從造膝沾宸命
却媿調羹忝禁臣
共歷虛無陪八駿
回瞻尺五近三辰

同楊大司空梁銀臺尚常侍遊九龍

池

穿池象漢是何年中嶺
遙分太乙泉境引龍湫
開別島山橫鳥道接平川
魚吹

細藻翻波麗花覆雕欄
過雨鮮為道東方貪吏
隱仙源應許數周旋

送袁六之唐藩乃公故唐史
往以橫罹被逮君侍之北行
茲以橐裝未歸故有宛役

少年輕遠道單騎謁賢王
入洛機雲重看山嵩少長
恩沾新置醴塵拂舊行裝
慘淡趨庭日傷心淚萬行

送龐子儀掌教滁陽

為惜明經早翻嫌拜爵遲官仍鄉土便
席自里門移開國英雄在環滁山水宜
公車還有待未可厭棲卑

送李友卿比部守濟南

西曹持法共稱平東土分符第一城郡
擬扶風依紫極人瞻化日麗朱明遊郊
爭覩麒麟瑞懸篋唯聞鳥雀聲自是漢
家資共理因從循吏識公卿

為沈叔裕自京邸壽母陸孺人七十

效長慶體

四十年来誓栢舟未亡人見古稀週淒
風零雨惟孤影嫁女婚男尚百憂白髮
迥添遊子戀斑衣終慰倚門愁君家華
屋臨東海為問今添第幾籌

送萬仁父都諫奉使西北諸藩議事

十八韻

瑣闥聲名久瑤階制命新片言當國是
四牡寵王人我祖開基日諸藩胙土

晨本支垂百世屏翰翊千春詎謂螽斯
盛翻貽燕翼貧叫闐心悒快乞食事酸
辛保大思周訓危明見漢臣上書憂不
細凭几意彌諄欲折盈庭議還需上國
賓天恩原浩蕩星駕莫逡巡赤壤諸侯
重朱門帝子親羽儀光六傳軒蓋轉三
秦橫歷河山界言尋租稅因戚踈應有
序裒益豈難勻便殿從容語雄藩意氣
馴分甘宣德讓挾纊播皇仁勿剪柯仍

茂無猜耦自均歸來承讌享行葦矢歌
頻

書警效長慶體

古人有遺戒殺人以媚人人命顧不重
所重在其身一身縈百念欲海浩無垠
縈途距須餌藉人膏釣緡扳緣及巍顯
揣摩勞心神既思其所嗜又度其所嗔
所嗜翻易厭所嗔難顯陳刀筆一慙患
肝腦化為燐第博勢人悅寧聞怨鬼呻

糠粃纔蔽目，奄忽失三辰。疇為天地德，而乃降不仁。人從開闢來，生世有幾巡。拆萌難再植，絕命不復娠。陰陽理靡忒，證果故有因。富貴等駒隙，報應如轉輪。田蚡殺灌夫，乞命良悲辛。青史皎如日，何為眩迷津。

同龔虞部汝侑殿進士無美暨兒子
輩憇普濟禪林

城郭苦多事，西郊見夏雲。逕閑松際影，

峯淨雨餘文。依榻窺禪性，聽經解世氛。
同遊俱勝侶，燕語及斜曛。

寄王問伯解元遊寓碧雲寺二首

擔笈從茲去，西天訪竺泉。空身初見佛，苦行不離禪。鷲嶺棲雲碧，龍樓吐日鮮。看來無滯礙，一了是前緣。

其二

几閣臨青磴，香燈隱翠微。窻前流水過，天外暮禽歸。欲已銷婚宦，心寧念是非。

因君精進意垂老悟皈依

送沈太史 冊封德魯二藩

玉節龜鳧使金函帶礪書諸侯爭擁篲
六傳促行車境入聞絃際榮頒賜履餘
岱宗堪一覽懷古意何如

送敖太史 冊封岷藩

江漢稱南紀絲綸下北辰途經天岳勝
人拜使車塵楚甸遙分玉滇封故展親
崑自滇南移封武岡浮湘仍太史應羨客遊新

小齋漫興二首

一室僅如斗開窓見十洲浮生俱是寄
容膝更何求雨氣薰朱鯉曦光逗紫榴
坐深消別念對此即丹丘

其二

有客遺盆盎呼童種草花退朝解簪紱
隨意弄雲霞成趣何須大謀生故有涯
臣心應似水高枕讀南華

無題次韻

神駿出驪黃占星瑞應房為矜千里足
不愛百金粧雲錦羣無匹沙丘選莫當
隗生不可見空復慕燕王殷無美進士以齒格不與
館選作無題詩用名姝為况且自傷無
媒余方在事力不能振之也何勝厚顏
因次其韻
請以馬喻

嫁女詩

癸未四月十二日

吾初生汝時尚守二千石單車滯宛城
轉盼窮日夕汝母既免身夢協維蛇吉
生女之夕果傳澤國書俄捧襄州檄逝

將旋舊廬入門慰相憶汝生未識爺婉
戀狎余膝留家不浹旬尋被簡書迫携
之浮大江炎月苦煩鬱吾宦故迤邐夷
險隨奄歷東西南北人歲月易飄擲臨
衰入國門汝髮方覆額荏苒復四春忽
覩頰而首平生兒女債至老不得畢眷
茲父母心寤寐思其匹吾門詎云高人
跡亦罕及偶乘天作緣遂咏桃夭什燕
爾錫佳期俶焉驩有室顧彼閭閻崇媿

此布荆質何以相蘋繁何以問寢食婦
道誠獨難恐非穉齡給顛持夙夜警長
侍舅姑側所頌必雞鳴永言諧鳳瑟知
匪遠於將吾懷滋不憚汝母舉二雛辛
勤刷其翮卯敷良苦心黽勉不遑息及
長羽毛成分飛各有適養女總如斯疇
能得其力徬徨竚路隅黯然若有失咫
尺見鵲巢栖栖空兩泣

題呂舍人紀畫鷓鴣捕魚圖效栢梁

體為李茂才作

煙雲閃忽乍有無飛檍畫棟臨九衢青
松夾石蔭茭蒲淼然匹練銀塘鋪鯨魚
出遊百不虞揚髻鼓鬣行天都何物伺
之雙冢烏兩兩鷓鴣引隊呼橫精射水
如擊胡翻波跋浪睢且盱小鮮未厭饒
脰須俯首直欲空江湖物情誰不矜其
軀世間弱肉堪嗟吁一鷓飽飫誇其腴
羣鷓延頸涎為濡突看似欲凌搏扶熟

視始覺丹青殊誰為主人畫此圖呂生
原是金馬徒當其般薄神靈驅毫端燦
采五色敷寫生在意隨所娛色澤自非
恒品拘胸中磊落有是夫歎彼強食何
為乎任公已死豫且徂巨鰲白龍俱坦
途安得惡鳥盡剪屠不令鱗介蒙其辜
主人客燕家本吳濠濮之間發興孤生
綃一幅懸座隅對此可以倒玉壺漸見
忘機萬念枯羣鷗日就海翁舖揮手滄

洲尋故吾

贈王長孺文學赴成國次公幕一十

四韻

被褐來江表懷珎望 帝闈侯門方禮
士儒術故稱尊記室資賢達承家翁弟
昆旋矜倒屣重爭羨辟書溫列席無師
友臨文恣討論韜鈴時所用禮義世彌
敦契合投膠漆披陳洞本源有時供筆
札與客鬪璵璠隻字輝干戚三秋夢塞

垣麟圖嘗翊運蟬翼總銜恩左右須提
挈勲華振橐捷相期魏公子重揖趙平
原稷下名應在橋邊事可言他年歸見
婦莫示舌猶存

新秋日偶同鄉王比部龔虞部殷嚴

二進士王沈諸文學暨申甥見過

留飲作

炎天冰簟淨吾廬有客停驂問索居迢
遞鄉心吳語外侵尋秋色薊門初蘭臺

事簡餘樽榼畫戟香清引珮裾老去謝
公渾興減擁來吟鼻近應踈

送少司徒王公假歸濟南省母太淑

人

司農方奏大盈功 詔許寧親念赤忠

為戀慈恩同化日却看行色傍秋風龍

門自昔誇荀氏公家兄弟子燕喜於今

續闕宮猶憶王祥初佐郡曾因解佩卜

三公

公與余為荆
州舊僚故云

春明齋

卷三

七

春明稿

卷三

三

春明稿卷三

國家圖書館, NATIONAL CENTRAL LIBRARY, TAIWAN, R.O.C.



填鄭續稿目錄

江陵司武選奉使還 朝迂道鄖

鄉見訪因憶豫章之別八年矣

愴然感懷作二首時秋閏晦夜

九日兩留酌周小史去年是日亦

兩小史自襄州來嘗飲之酒聊

為嗣音用識歲月云爾

重陽後一日擬過玄岳兩阻不果

行解朝一首

題司武選萬玉山房

郎江送司武選

使院對菊口占二絕

聞帥同父自慄陽尹 召拜給事

贈內鄉李徵君

又贈徵君一首

送王甥復炎還吳

萬審理言策自武昌來謁留酌使
院萬文學士有不遇時之歎賦

贈十六韻

寄懷臨桂王員外君自民部遷周

藩長史自免歸

鄖志成送周小史還襄藩十八韻

寄賀西粵吳開府平樂大捷昔與

公別豫章無致懷思

聞司武選調考功志喜

冬至後二日生旦自壽丁丑

春夜方奉常允治酌予唐藩三里

橋庄時別南陽十年矣感舊賦
謝二首

夏日方奉常以詩箋見餉輒賦和
章時奉常有改南之命併以馳

慰

宛南諸王孫翩翩博雅茲喜予再
至携榼郊勞詩以酬之

江陵劉侍御過鄖見訪以詩送之
北上

召拜少司寇別楚中同年

填鄭續稿目錄

木月高

三

二

填郎續稿附

填郎續稿蓋成於海隅集既梓之後
為近體詩二十四首曩謝郎事携之
入京邸會迫鞅掌之役是稿散佚亂
帙中者五年頃從敕笥檢拾因念古
人單辭片語猶或恠情珍惜乃余之
嘔噦即連篇累牘直不過覆瓿具爾
顧嘗靡費日力未敢捨然委棄之也
姑刻附春明稿末云 芥明父識

江陵司武選奉使還 朝迂道鄖鄉

見訪因憶豫章之別八年矣愴然

感懷作二首時秋閨晦夜

岐路迴軒蓋荒城罷鼓鼙夜寒鄖水上
秋色楚峰西娛客暮禽樂歸 朝班馬
嘶誰云空谷裏此地亦成蹊

其二

章江一解袂動是八年過世事浮雲盡
交情舊雨多酒香分橘柚燭影艷松蘿

明發長安道仙班遲曉珂

九日雨留酌周小史去年是日亦雨

小史自襄州來嘗飲之酒聊為嗣

音用識歲月云爾

九日年年風雨邊今年風雨更連綿與
君重醉山中酒隔歲同聽樹杪泉忽憶
吳萸鄉信杳未歸洱海宦情懸君滇軍
城豈乏登高處寂莫垂簾說太玄

重陽後一日擬過玄岳兩阻不果行

解嘲一首

往時三上太和巔天柱晴攀故有緣此
日褰帷當節制深秋行徑獨迤邐無端
風雨心先折欲采芙蓉眼劇穿悔却閒
身誤鐘鼎未應騎鶴訪真詮

題司武選萬玉山房

紀山橫北郭脩竹出東林球玉聲相送
瀟湘思正深恍疑千畝綠遙結九秋陰
司馬門方闢那能生隱心

鄖江送司武選

百轉江流一櫂輕天涯矯首若為情尋
山尚識青霞氣君遊太岳來歌郢偏留白雪

聲兩岸鳴沙寒騎甲千山落日遠旂旌
漢宮題柱猶堪憶年少如君復請纓子嘗

備員
職方

使院對菊口占二絕

四山搖落莽蒼蒼庭菊看來獨傲霜歲
事已催短景去吳天風雨夢初長

其二

高枝無賴爛金鋪使者垂簾一事無總
解色香祛不盡始知人境隔玄都

聞帥同父自溧陽尹召拜給事

六年琴席坐成溫一日聲名動至尊
玉女溪頭花正滿金莖掌上露初繁青
霄日月趨青瑣紫禁星辰切紫垣今
上垂衣稀袞闕黃門封事欲何言

贈內鄉李徵君有序

徵君故公車士業封翰檢矣非意
所屑也故自稱徵君云予守宛時
嘗過其家至是來訪輒有斯作

圖書人羨米家舟裁得新詩伴刺投總
解浮雲千古事君尚有世意不禁斜日萬山

秋往時高興狂能發對客清言喜自由
曾向青門勞夢想可堪重憶屋梁頭次韻

又贈徵君一首

穰東茆屋枕溪幽乍見徵君感昔遊星

鬢重逢人共老霜林何意鳥相求蒼茫
似合延津劍寂寞初疑剡曲舟能作平
原留十日知君不忘故時候

送王甥復炎還吳

秋至秦關即授衣千山萬水一人歸憑
君話我為官好日掩轅門看翠微

萬藩理言策自武昌來謁留酌使院
萬文學士有不遇時之歎賦贈十

六韻

昔別臨岐路今來見兩寒乍投糜子國
未厭楚王官髮短遊偏壯途長歲欲殘
俠能矜一諾險自失千盤暝壑驅車入
雲林立馬看琴尊宜幕府魚鳥澹江干
地迥風霜勁山空日月寬情逢幽處劇
語對故人驩酒氣薰蘿碧厨煙裊壁丹
蕭疎欣把袂契濶問加餐念爾遭時拙
居然感說難朱絃稀合奏漆室但含酸
在衆思翰矯防人借色觀無媒姑韞櫝

有道幾彈冠後會知難偶中懷殊未殫
明朝歸鄂渚行矣慎波瀾

寄懷臨桂王員外君自民部遷周藩

長史自免歸

官拜司農亦不卑翻嫌神武挂冠遲歸

來桂嶺花深處醉憶蕪江月落時

君故蕪今

肯向梁園重授簡每逢吳客但題詩思
君只隔蒼梧樹清夢何由度九疑

鄭志成送周小史還襄藩十八韻

貢土叅梁域分疆自 憲皇提封雄四

塞典記待三長君故能張楚臣今已重

襄百年開草創獨夜引藜光識大推賢

者聞多益舊章衮袞榮照日鏡戒皎臨

霜搖筆輝金錫披圖下鳳皇諸侯矜紙

貴二酉得書藏寰宇存文獻精華注武

當真稱倒屣客不負校書郎宦以無求

拙名因有述彰黃金酬著作白璧恥遊

揚長揖初辭幕清歌再舉觴歸途寒赤

驥乘月下滄浪轉，盼朱門色仍聞碧醴。
香曳裾身自得工，瑟意難忘便殿承筐。
篚貧家問橐裝，不須將舌示呼酒赴高

陽

高陽即習家池

寄賀西粵吳開府平樂大捷昔與公

別豫章兼致懷思

差池雙劍斗牛間，萬里雄飛嶺道間。
多士橫經重問俗，公故粵督學使諸軍傳檄乍平。
蠻未應浪泊愁，鳶站長對衡峯數鴈還。

麟閣開時聞振旅，賜金早已動龍顏。

聞司武選調考功志喜

江津秋色款離觴，行近蓬萊日月光。
解得山公能啓事，竟從司馬乞名郎。
空羣祇益燕臺價，起草仍含漢署香。
望去玉山誰不羨，高懸冰鏡切文昌。

唐時考功職貢舉

冬至後二日生旦自壽

丁丑

緹室陽迴散曙光，函關紫氣接扶桑。
斑衣總隔吳雲遠，綵線重添楚日長。
遶樹

神鳥爭鼓噪凌崖天馬崖名欲騰驥節
旄空在成何事江漢馳驅十九霜

春夜方奉常允治酌余唐藩三里橋
庄時別南陽十年矣感舊賦謝二

首

漢吏風流遠梁園草樹深異時慙五禩
今夕盍雙簪暝入嵩河色春餘薜荔陰
逢君在空谷厭飲愜中林

其二

星閣移尊晚煙郊擁騎過故人驩未足
終宴夜如何隔竹聞笙管臨池艷綺羅
十年追倒載垂老興猶多

夏日方奉常以詩箴見餉輒賦和章
時奉常有改南之命併以馳慰

玉堂神采瑩冰壺坐上炎蒸晝有無河
朔久虛袁紹酒南陽曾佩杜君符人言
漫擬同三至天意重教賦兩都日暮遙
聞梁父曲千秋想像卧龍圖

諸葛菴在宛城西

宛南諸王孫翩翩博雅茲喜余再至

携榼郊勞詩以酬之

無勞虛備漢公卿

無勞故杜君公語

深媿諸侯

擁篲迎自識青雲浮宛洛重過朱邱見
平生文章驟起連城色賓客時聞曳履
聲隆準子孫驚代異更生早已著書成

江陵劉侍御過鄖見訪以詩送之北

上

山城雨過淨無埃何客傳呼結駟來境

入笄簪春正麗花迎繡斧夜還開却慚

森戟稱烏府誰似埋輪在鳳臺

君故在留都

閭闔五雲看漸近法星原自傍中台

召拜少司寇別楚中同年

單車還往漢江邊迴首春明二十年敢

擬虛名懸北斗長懷高誼薄南天久耽

簪紱何為者相望煙波共渺然垂老不

禁兄弟遠驅歌莫是棣華篇

